

تعرف على آداب استخدام وسائل التواصل الاجتماعي

1. فيسبوك، انستجرام، تويتر، يوتيوب وغيرها من منصات التواصل الاجتماعي.
2. نسبة كبيرة جدًا من مجتمعاتنا باختلاف مراحلها العمرية والتعليمية قادرة إنها تستخدم المنصات دي.
3. بس قليل جدًا اللي عارف ومدرك إيه هو إتيكيت السوشيال ميديا وآدابها. خلونا نتعرّف على شوية منها.
4. أول حاجة: راجع قبل النشر.
5. راجع البوست أو التويت قبل النشر، وخليك دايماً فاكّر إن الإنترنت لا ينسى.
6. والدليليت في كتير من الأحيان بييجي بعد فوات الأوان.
7. راجع وشوف هل هو مناسب لابنك أو والدك أو حتى مديرِك في العمل.
8. إنه يقرأه أو يشاهده، ولا هيسبب لك حرج معاهم.
9. هل بيئذي مشاعر حد؟ هل سهل إنه يتفهم بمعنى تاني غير اللي إنت كنت تقصده؟
10. هل بينشر القيم ولا يساعد على هدمها؟
11. البوست، التويت، حتى الصورة زيها زي الكلمة، لازم نفكر قبل ما نقولها.
12. تاني حاجة: هات وخذ. هي سمّيت سوشيال ميديا، يعني شيء اجتماعي.
13. وده معناه إنه بينمّي مهاراتك في التواصل مع الناس.
14. وبالتالي، ما ينفعش صاحب أو صديق يعلّق لك على حاجة وما تردش،
15. أو بيعت لك رسالة وتسببها بالأيام من غير رد أو حتى اعتذار.
16. حسابك على منصات التواصل الاجتماعي هو بيتك الافتراضي،
17. أصدقائك ومتابعينك هما ضيوفك، فكن مضيف كريم وبشوش. ثانية واحدة. مين؟
18. الاستئذان هو من أجمل الآداب وأكثرها رقياً، ومعناه باختصار

19. إنك بتعبّر للشخص اللي إنت بتستأذنه عن احترامك لخصوصيته وتقديرك ليها.
20. وفي السوشيال ميديا، دايماً استأذن.
21. استأذن قبل ما تعمل تاج لصديق أو فرد من أفراد العائلة أو حتى زميلك في العمل.
22. استأذن قبل ما تعمل شير لصورة معاك فيها حد، وخاصة في الحفلات والمناسبات.
23. استأذن قبل ما تضيف أي حد في جروب ع الواتساب أو الفيسبوك.
24. وما تتضايقش لو رفض أو رفضت لإن ده حقهم وخصوصيتهم اللي لازم نحترمها.
25. ما تيجي نغير؟ كده أحسن.
26. ال overposting هو إنك تبقى ناشط زيادة عن اللزوم في نشر تفاصيل حياتك الشخصية.
27. بعض الناس بنتعامل مع منصات التواصل وكأنها مذكرات يومية بتسجل فيها كل تفاصيل حياتها.
28. تخيل لو ليك صاحب بيتكلم عن نفسه طول الوقت، هل هتحب تقضي وقت كبير معاه؟
29. خير الأمور الوسط. يعني ما ينفعش تبقى شبه غير متواجد أو تتواجد زيادة عن اللزوم.
30. كن مواطنًا رقميًا صالحًا. منصات التواصل الاجتماعي، زي ما كلنا عارفين،
31. ما بتوقفهاش حدود ولا حتى بتمنعها اختلاف لغة.
32. وأصبح العالم كله منفتح على بعضه، وبقينا نلاقي كتير مناقشات ومناظرات
33. قائمة في بلد بيشارك فيها أشخاص من بلاد ثانية.
34. فلو أتيحت لك الفرصة وشاركت في أي نوع من النقاشات دي،

35. خليك واعى إنك بتمثل ثقافتك ووطنك. فاختلف بأدب وناقش بدون تعصب و غضب.
36. وخلينا نختم بإن منصات التواصل الاجتماعي هو انعكاس لشخصيتك وسلوكك،
37. زي صورتك في المراية. غير منطقي ولا مُستوعب إن المراية بتعكس صورة غير صورتك.
38. وبالظبط، ما ينفعش تكون شخصيتك على السوشيال ميديا
39. مختلفة عن شخصيتك الحقيقية بين أصدقائك ومعارفك.
40. حسابك هو منبرك، وليس مخبأك. أشوفكوا المرة الجاية.